

1. निस्तार टीहारक समयम काजे येहुदीहुँक्र येशुहन पकर्ना निचहठ ?
  - यदि हुँक्र टीहारक समयम येशहन पकर्ल कलसे मनैहुँक्र हुलदङ्गा चच्चाङ्क कैक डराइल रलह ।
2. का यहुदाहन उ आपन पापमा जन्मल हो ओ उहिन उद्धारकर्ताक रूपमा येशु चहीं कहना थाहा रहलिस् ?
  - नि रहलिस् ।
3. येशुहन धोका देना निर्णय कर्ना के येहुदानहन उकसैल ?
  - भुत्वा ।
4. भुत्वा काजे येहुदा येशुहन धोका देहस् कहना चहठ ?
  - काजेकि भुत्वा येशुहन घीना कर्ठा ।
5. भुत्वा येशुहन काजे घीना कर्ठा ?
  - काजेकि येशु परमेश्वर हुइट ।
  - काजेकि येशु सत्य बोल्लठ ।
6. भुत्वा काजे यहुदी अगुवाहुँक्र येशुक हत्या करहीं कैक चहठ ?
  - भुत्वा यहुदी अगुवाहुँक्र येशुहन मरो ताकि येशु हमहिन बचैना नि सेकहीं कहना चहठ ।

- भुत्वा यहुदी अगुवाहूँक्र येशुहन मुइहीं ताकि येशु पाप ओ मृत्युक शक्ति विनास कर्ना नि सकेही कैक चहठ ।
  - भुत्वा यहुदी अगुवाहूँक्र येशुहन मुइहीं ताकि येशु भुत्वाक शक्ति विनासकर निसेकहीं कहना चहठ ।
7. उद्धारकर्ताहूँक्र किहन धोका देहना बा कैक उद्धारकर्ता कहल रहल ?
    - एकजना लग्घक संघरिया ।
  8. येशुहन कत्रा पैसामा देहल ?
    - तीसठो चाँदीक डलरम ।
  9. यहुदा उहाँहन ध्वाखा देहना बा कैक उहाँहन कसिक थाहा हुइलिन् ?
    - येशुहन थाहा नि हुइना बात कुछु फे नि हो ।
  10. रोटी कसिक येशुक शरीरक प्रतीक हूइसेकठा ?
    - जसिक रोटी चिथल रलह वस्टक येशुक शरीर फे पापी मनैहुकनद्वारा टुट्नावाला रलह ।
  11. दारू कसिक येशुक रकटक प्रतीक हुइ सेकठ ?
    - जस्टक दारू पिएक लाग खन्याइट रलह वस्टक नै येशुक रगत फे खन्याइना वाला रलह ।
  12. क्याकर लाग उहाँक रकट खन्याइनावाला रह कैक येशु कल ?

- येशु कहल उहाँक रगत धेर मनैहुकनक निम्ति  
खन्याइना वाला रह ।

- येशु ओ उहाँक चेलाहूँक जेरुशलके छोड़क गेल पाछ  
उहाँहूँक जैतुन पर्वतोक गेतसमनी बग्यामा गेल ।

मर्कूस १४:३२ ३६ पढी

तबदोस उहाँहूँक गेतसमनी कना ठाउँम गेल ओ येशु  
आपन चलन कल मै परमेश्वरसे पुकारा करटसम  
अट्ठहँ परलहो । पत्रुस याकुब ओ यहुन्नह भर आपन  
सँग लैगिल । येशु बहुत दुखी होक झङ्खलगल । तब  
येशु हुँकन कल मनक दुख सह नैसेक्क म्वार मुटु  
फुट्नाअस करटा । जागा होक अट्ठहँ परलहो ।

अपन जुन टनिक दूर जाक भुइयम ढोक्र्यागेल । ओ  
असिक परमेश्वरसे पुकारा करलगल । हुइसेक्ठा कलसे  
अइना दुखक समय हट्जाए । परमेश्वर बाबा अपन  
सबचिज करसेक्ठी । मै मुवपर्ना अवस्था म्वारठेसे  
हटादी तर म्वार इच्छा अनुसार नैहोक अपनक इच्छा  
अनुसारा हवाए ।

- गेतसमनि बग्यामा येशु प्रर्थना कर्ना शुरु कर्ल काजेकि  
उहाँ गहिर शोकमा रलह ।

1. येशु काजे गहिर शोकमा रहल ?

- काजेकि यशु हन उहाँ धेर सतावट भ्वागपर्ना बा कैक थाहा रहलिन् ।
- काजेकि येशुहन उहाँक सामने आइलागरहलक सतावट आमिनसम अउर केहो फे भ्वागलक सतावटसे धेर कठिन बा कैक थाहा रहलिन् ।
- यद्यपि यशे पूर्ण परमेश्वर हुइट तर उहाँ पूर्ण मानव फे हुइट ।
- उहाँक सामने आइना लगलक कठिन अवस्थाहन सामना कर्ना येशुक लाग धेर गाह्रो हुइना वाला रह ।

मर्कस १४:३७ ४२ पढी

येशु घुम्क अइल त हुँकन निन्दाइल् देखल । उहाँ सिमोन कना पत्रुसह कल । सिमोन का टुँ निनदारलो का टुँ एक घन्टा फे जागा रह नैसक्टो । जागा रहो महीह मददत करी त मै पापम नैपरम कैक परमेश्वरसे पुकारा करो टुहाँर मनम असल कर्ना इच्छा रलसे फे टार शक्ति नै हो ।

येशु फे दोस्र जाक परमेश्वरसे उह पकुरा कर्ल । उहाँ फे दोस्र घुम्क अइल त हुँकन निन्दाइल दखल काकरकि हुँकन जातसे डटकरलह । हुँकन जगल त उहाँह का जाप देन कैक नैजन्ल । उहाँ तीसर फयरा घुम्क अइल ओ हुँकन कल का टह आम्हीसम निन्दैलबाटो । आब सुन्ना समय ओराइल्

मै मनैयक छावा ध्वाखा पाक पापीन्हक हाँठम पर्ना ब्याला आरहल् । हेरो महीह ध्वाखा देहुइया यिहँ आइटा । उठो हुँकन्हेकठे जाइ ।

- येशु गेतशमनी बग्यामा प्रर्थना कर्कसेकपाछ तरवारसहित मनैहुकनक भीर अइल ।

१४:४३ ४६ पढी

येशु बटोइटीरलह त उहाँक एकठो चेला यहुदा आगैल् । वाकरसँग लट्ठी ओ तरवाल लेल्ह लेल्ह एक बगाल मनै रहल । हुँकन मुख्य पुजेहोहुँकन धर्मगरुहुँकन ओ अगुवाहुँकन पठारखलहन् । येशुह ध्वाखा देहुइया यहुदा हुकन एकठो इशारा देरखलाहा मै ज्याकर गाल चुमम् उह यहो येशु । ओइहेह पकर्क सुरक्षासहित लैजेहो । असिक हुँकन उहाँ पुगल त यहुदा येशुकठे जाक गुरुजी कहल् ओ उहाँक गाल चुमल् । तबदोस्र हुँकन उहाँह पक्र ।

2. तरबार ओ हातहतियार सहित आइलक मनैयाहुँकन के अगुवाइ करलरह ?
  - यहुदा ।
3. यहुदा ओ मनैहुकनक भीर काजे आइल रलह ?
  - येशुहन पक्राउ करक लाग ।

4. येशहन पक्राउ करल ला येहुदाहन के उक्साइट रहल रह ?
- भुत्वा ।
5. भुत्वा आज किहिन अगुवाइ करट रहल बा ?
- उ सक्कु मनैहुँक्र जे परमेश्वरक विरुद्धमा पाप करटबाट कैक विश्वास नि कर्ठा उ सक्कुहन भुत्वा अगुवाइ करलरहल बा ।
  - उ सक्कु मनैहुँक्र जे पापक दण्ड परमेश्वर दिइनावाला नि रह कैक ठन्ठा हुँक्र सक्कुहन भुत्वा अगुवाइ करट रहल बा ।
  - उ सक्कु मनैहुँक्र जे आपन असल कामद्वारा परमेश्वरसम पुग स्याकल बाट कैक ठन्ठा हुँक्र सक्कुहन भुत्वा अगुवाइ करट रहल बा ।
  - उ सक्कु मनैहुँक्र जे आपन आपने बचैना सेकहीं ठन्ठा हुँक्र सक्कुहिन भुत्वा अगुवाइ करट रहल बा ।
  - उ सक्कु मनैहुँकर जे परमेश्वरक वचन सुन्ना इन्कार कर्ठा हुँक्र सक्कुहन भुत्वा अगुवाइ करट रहल बा ।
  - उ सक्कु मनैहुँक्र जे येशहन प्रभु कैक मन्ना इन्कार कर्ठा ऊ सक्कुहन भुत्वा अगुवाइ करट रहल बा ।
6. येहुदा कसिक येशुहन ध्वाखा देहल ?
- चुम्मी खाक ।

- जब येहुदा येशुहन चुम्मी खैल अनि मनैहूँक येशुहन घ्यारल ओ उहाँहन पक्राउ कर्ल ।

मर्कूस १४:४७ ४९ पढी

ओठे येशुक सँग ठहयाइलमध्ये एक जन तरवाल झिँक्क प्रधान पुजेहोक कमारह झम्काइल् त वाकर कान च्वाट्टसे काटगैलस् । येशु हुँकन कल का टुह महिह डाँका साँचक लठ्ठी ओ तरवाल लेक पक्र आरलो । मन्दिरम सिखाइबेर दिनका दिन मै टुन्हक्केसँग रहूँ तब टुह महीह काजे नैपकर्लो तर म्वार बारेम परमेश्वरक वचनम लिखल बात पूरा हुइक लाग टुह महीह पक्र आरलो ।

7. येशु धर्मशास्त्रक वचन पुरा हूइना पठाँ कैक कह ख्वाजल रहल हो ?

- परमेश्वर उहाँक अगमवक्ताहुँकद्वारा धेर वर्ष पहिल उहाँक किताबम कहल रहलक वचन हुँकन वचन पुरा हूइल रहना येशु कहल हो ।

मर्कूस १४:५० पढी

तब दोस्र सक्कु चेलावँ उहाँह छोर्क भागगैल ।

8. येशुक सक्कु चेलाहूँक काजे भगल ?

- चेलाहुँकर डराइट रलह ओ येशु का कारणले पक्राउ परल रहल हो कहना बुझल नि रहल ।
9. चेलाहुँकर नै बुझल बा का रह ?
- चेलाहुँकर निबुझल बात यी रह कि यदि येशु पक्राउ परही ओ मुजीही कहना त उहाँ कसिक उद्धारकर्ता हुइठ ।
  - चेलाहुँकर निबुझल बात यि रह कि यदि येशु स्वयम् मुना रहल कलसे उहाँ हुँकिहन कसिक बचाइसेकठ ।

10. येशुहन पक्राउ कर्ना मनैहुँकर उहाँहन कहाँ लेक गैल ?

मर्कस १४:५३ ५४ पढी

तब हुँकर येशु प्रधान पुजेहोकठे लैगिल । उहाँ मुख्य पुजेहोन धर्मगरुहुँकर ओ अगुवाहुँकर जम्मा हुइलगल । पत्रुस दुरसे हुँकन्हक पाछपाछ प्रधान पुजेहोक अङ्गनम जाक डोरपालेन्हकसँग आगी तापलगल ।

- येशुहन पक्रर्ना मनैहुँकर उहाँहन प्रधान पुजेहवाकठे लेक गैल ।
- पत्रुस उहाँहन तन्निक दूरसे पछ्याइल तर हुँकर आपन पक्राउ पर्बु ओ मुजीबुकी कैक डराइल रलह ।



- जब येशुहन प्रधान पुजेहवाकठे अन्ल तब सक्कु पुजेहवाहुँक्र ओ यहुदीक अगुवाहुँक्र येशुक न्याय कर्ना उहाँ जम्मा हुइल ।

मर्कूस १४:५५ पढी

मुख्य पुजेहोन समेत महासभक सारा मनै येशुह मुवाइक लाग उहाँक विरोधम प्रमाण ख्वाजटलह तर नैपैल ।

11. यहुदी अगुवाहुँक्र काजे येशुहन कुछु फे दोष भेट्टाइ स्याकट नि रहल ?

- काजेकि येशु कोनोफे खराबी करल नि रहल ।
- काजेकि येशु पाप करल नि रहल ।
- अउर मनैहुँक्र येशुक विरुद्धम गवाही देल तर हुकनक गवाही झूठ रह ।

मर्कूस १४:५६ ५९ पढी

बहुत जन उहाँक विरोधम झूठ साक्षी बकल तर हुँकन्हक साक्षी नैमिल्लन । कुइकुइ महासभक आघ जाक उहाँक विरोधम असिक झूठ साक्षी बकल । हम आपन कानले यहीह असिक कहट् सुन्ली मनैन्हक बनाइल यी मन्दिर मै अपन्हे बिगैम ओ मनै बनाइ नैसेक्ना मन्दिर तीसर दिनम बनादिहम । तर यहिम फे हुँकन्हक साक्षी नैमिल्लन ।

- यद्यपि धेर साक्षीहुँक्र झूठ बकल येशुक विरुद्धमा तर फे यहुदि अगुवाहुँक्र येशुक विरुद्धमा कौनो प्रमाण जुइट स्याकट नि रलह ।
- परमेश्वर धेर वर्ष पहिल उहाँक अगमवक्ताहुँक्रद्वारा कहलजस्ट उद्धारकर्ता विरुद्ध धेर झूठ गवाही देहठ रलह ।
- दोसपाछ प्रधान पुजेहवा उठक येशुकसँग बात कर्ल ।  
मर्कस १४:६० ६२ पढी  
तब सबजन्हक सामुन्नेम प्रधान पुजेहवा उठक येशह पुछल का तँ कुछु जवाफ नैदिहठुइट्या । द्वार विरोधम बकल साक्षी ठी क हो । तर येशु चामचुप पलरल कुछु जवाफ नैदेल । प्रधान पुजहवा उहाँहन और प्रश्न पुछल । का तँ परमेश्वरक छावा मनैन मुक्ति दिहक लाग आइल स्त्रीष्ट हुइट्या ? येशु कल हुइछँ नि का मै मनैयक छावाह सारा शक्ति रहल परमेश्वरक दाहिन पाँजर बैठल देखबी । तबदोस स्वर्गमसे बढीकसँग आइट देखबी ।
- जब मनैहुँक्र येशुक विरुद्धम झूठ गवाही देहठ रलह उहाँ चुप रहल ओ प्रतिवाद नि कर्ल ।

12. यशु काजे जवाफ नि देहल ?

- येशुहन पिता परमेश्वर उहाँहन अगुवाइ करहीं कहना थाहा रहलिन् ।
- ज्या बात आपनउपर हूइ गइरहलबा उ सक्कु पिता परमेश्वर नियन्त्रण करट रहल बा कहना येशुहन थाहा रहलिन् ।

13. दोसपाछ जब प्रधान पुजेहवा येशुकसँग बात कर्ल ओ का उहाँ ख्रीष्ट परमेश्वरक छावा हुइटकैक पुछ्ल तब येशु का जवाफ देहल रलह ।

- येशु हो मै हूँ कैक जवाफ देहल रलह ।
- येशु यी फे कहल कि हुँकर मनैयाक छावाहन परमेश्वरक दाहिनओर बैठल रहलक ओ बट्टीक स्वर्गम आइट रहलक देखबी ।
- जब येशु पहिलचो धरतिम आइल उहाँ उद्धारकर्ता परमेश्वरक रूपम मनैहुकन बचैनाक लाग आइल रलह ।
- येशु जब पृथ्वीम फेर आइहीं ऊ बेलाम सक्कु उहाँहन पिता परमेश्वरक दाहिनओर बैठल देखबी ।
- जब येशु पृथ्वीमा फेर आइहीं सक्कु उहाँ परमेश्वर हुइट कैक देखबी ।

14. जब प्रधान पुजहवा येशुक बात सुन्ल तब उ का कर्ल ?

मर्कूस १४:६३ ६४ पढी

यी सुन्टिकि प्रधान पुजेह्वा रिसलेक आपन झुल्वा फर्ल ओ कल आब हमन और साक्षी का चहल । टुह परमेश्वरक बदनाक कर्लक त सुन्डर्लो । टुन्हक विचार का बा । तब सब जन उहाँह मृत्युदण्ड दिहपर्ना ठहैल ।

15. प्रधान पुजारी काजे आपन झुल्वा फर्ल ?

- जब यहूदीहुँक धेर रिसैठ वा भठकठ तब हुँक आपन शरीरक लुगा फर्लठ ।
- प्रधान पुजेह्वा येशुकसँग धेर रिसैलरह उहमारसे उ आपन लुगा फर्ल ।

16. प्रधान पुजेह्वा येशुक सँग काजे रिसैल ?

- काजेकि येशु उहाँ परमेश्वर हुँ कहल रलह ।

17. काजे प्रधान पुजेह्वा येशु मुवैनै परी कहल ?

- प्रधान पुजेह्वा कहल कि येशु परमेश्वरहन सराप देहल बा ।

18. का येशु परमेश्वरहन सराप देहल रलह ?

- नि हो ।
- येशु त केवल उहाँ परमेश्वर हुइटु कहल रहल ।

मर्कूस १४:६५ पढी

तब सब जन उहाँह मृत्युदण्ड दिहपर्ना ठहैल । तबदोस कुइकुइ येशुह थुकभिर्ल ओ आँखिम पट्टी बाहान्क

उहाँह पिट्ठी कल टैं परमेश्वरक वचन बोलुइया हुइट्या  
कलसे टोहीह के पिटल ल्या कोहु ठोरपालेहुँक्र फे उहाँह  
कब्जम लेक पिट्ल ।

- परमेश्वर धेर वर्ष पहिल अगमवक्ताहुँक्रमार्फत  
कहलजस्ट उद्धार्कता पिट्ल ओ थुकल रलह ।
- प्रधान पुजेहवा ओ यहुदी अगावाहुँक्र दोसपाछ येशुहन  
मुवैपरी कहक उहाँक निन्दा कर्ल ।